

verfalis in Episcopatu, non negligat perpetuo mente tenere præcepta, *D. Pauli ad Timotheum Epist. 2. c. 4.* (Insta oportune, importune, argue obsecra, Increpa, in omni patientia, & doctrina, quæ omnia si exactè servaverit, officium Pœnitentiari laudabiliter se explevisse cognoverit, nec Deo rationem reddendi supererit causa in finali Judicio.

70 Canonicus autem Theologus, qui juxta decretum Concilii Trid. sess. 5. cap. 1. de reform., præbendam Theologalem consequutus est, cum teneatur alios docere, & magistrali munere publicè fungi, diligens esse debet in studio sacrarum literarum, & ei negligere hoc studium, valde culpabile reputabitur.

71 Hoc studium tres habet partes; prima est respiciens interpretationem Sacrarum scripturarum, & de hac principaliter loquitur Concilium Trid. dicto loco sess. 5. c. 1. de reform., secunda pars respicit Sacras Theologicas disputationes, metodo speculativa in scholis exagitata, qua metodo Canonicus Theologus legendo, & docendo satisfaciet muneri suo refert decisum Garzias de benefic. p. 5. c. 4. num. 156., Barbofa ad Concilium Trid. dicto c. 1. num. 39.; tertia pars est, quæ dicitur Theologia moralis, & de casibus conscientiarum, ex professo tractat, & in hac parte, multum insudare debet Canonicus Theologus ad instruendum Clerum, ut apti fiant ad audiendas confessiones, & Ecclesias parochiales regendas, & in hoc studio maxima requiritur diligentia, ne docens incidat in illud Ve appositum in Sacra Scriptura, nempe Ve qui dicit

malum bonum, & bonum malum, tum quia materia adeo latè patet, ut posset dici infinita, tum quia humanæ actiones, quæ sunt materia hujus facultatis, sunt sine numero, tum quia ferè singulæ diversis circumvestiuntur circumstantiis, tum quia adeo diversificant Doctorum sententiarum, ut meritò post plurimos labores, & sudores in studio possit dicere, Vix capi.

72 Poterit negligentia culpari, si continuatè non legat, & doceat toto tempore ad legendum destinato, Vacare tamen poterit tribus mensibus, nempe Julii, Augusti, & Septembris ad allegata per Barbosam de Canonicis c. 27. num. 27., & ex antiquissima consuetudine in hac Cathedrali Ferrariæ Theologus vacat etiam Mense Octobris, accomodando se Universitati Almi Studii ejusdem Civitatis, in qua Doctores legere exordiuntur post festum Omnium Sanctorum.

73 Ut autem auditores ei plenam fidem præstet, & proficiant, maximè in moralibus, non negligat Canonicus Theologus se ostendere Justitiæ, honestatis, & probitatis amatorem, quomodo enim credituri sunt, quod dicit, si moribus contradicit, ac timere debet, quod Spiritus Sanctus per Os David intonuit. *Psal. 49.* Peccatori autem dixit Deus, quare tu enarras justitias meas, & assumis testamentum meum per os tuum? Et Gregor. in homil. 12. in Evangelium, (cujus vita despicitur, restat, ut ejus prædicatio contemnatur, & Jo. 8. Christus ait) Qui sine peccato est Vestrum primus in illam lapidem metat.

De Negligentia Clericorum, & Sacerdotum.

S U M M A R I A.

1 Clerici, & Sacerdotes, quamquam negligentes, & ex eo gravius peccent, quam Laici, tamen adhuc in honore sunt habendi.

2 Clericus hæres, negligens in conscribendo inventario, amittit beneficium cap. Odoardus de solut.

3 Vocatus coram Judice non competente, non opponens exceptionem incompetentiæ, tene-

tur ad expensas.

4 Puniendus est Clericus pœna extraordinaria, si citatus criminaliter coram Judice seculari non opponat declinatoriam.

5 Ex Negligentia Sacerdotis, si aliquid de Santissimo Sanguine stillaverit, qua pœna puniendus.

6 Et qua pœna, si negligens sit in custodia Santissimæ Eucharistiæ.

7 Cle-

7 Clericus non studens, ac propterea ignorans necessaria ad suum statum, summopere culpabilis est.

8 Negligere vestitum decentem Clerico, est virtutem negligere.

9 Clericus non negligens, quæ sunt mundi, mundum potius diligere, quam Dei famulatum, convincitur.

10 Sacerdos omittens summere in sacrificio Missæ utramque speciem, qualiter puniatur.

11 Non sufficit Clericis vivere, sicuti probati laici, sed requiritur, ut præstantiores virtutes proficiantur.

12 Recusans ex inertia, & negligentia suscipere munera Ecclesiastica, culpatur à D. Augustino, & convincitur amare se, non verò Christum.

13 Qui negligit Ecclesiæ ministerium, propter negotia secularia, tamquam de damnabili culpa reus est corripiendus.

14 Negligens horas canonicas recitare præter culpam mortalem, si beneficiatus, non facit fructus suos.

15 Neque excusatur à restitutione, si die sequenti bis recitaret horas canonicas.

16 Maledictionem in Sacerdotes negligentes profetavit Malachias.

17 Sacerdotes negligentes sacros ritus, sunt graviter corripiendi ab Episcopo, & gravis est

negligentia, si celebret sine veste talari.

18 Et correptione digni sunt, qui celebraturi collararia deponunt.

19 Causa propter quam multoties monendi sunt, ut à negligentia respiciant, metu pœnæ.

20 Clericus concubiniarius monendus, alias non abstinens punitur, juxta decretum Concilii Trid.

21 Ad effectum puniendi non sufficit paterna monitio, nec sufficit monitio generalis in Synodo, vel Edicto: num. 22.

22 Nisi concubinitas esset notorius.

23 Vel concubina sit domi retenta, vel extra.

24 Tres requiruntur monitiones.

25 Si verò Episcopus velit aponere aliam pœnam, quam Concilium decernat, tunc attento Jure communi aliter est procedendum, & n. 27.

26 Præmonitiones non requiruntur, ad effectum carceraudi Clericum, suspectum de concubinitate.

27 Præmonendus est Clericus exercens artem sordidam, qui si non cesset negligens punitur.

28 Ita, & Clericus negotiator est præmonendus.

29 Vel si exercet artem Histrionatus.

30 Negligens elemosinam facere de redditibus beneficii graviter culpatur.

31 Sacerdos qui recepit loco elemosinæ duas duplas aureas, qualiter debuisset diligenter inquirere de intentione dantis.

ARTICULUS VIII.

De Negligentia Clericorum, & Sacerdotum.

1 **Q**uamvis Clerici, & Sacerdotes negligentes sint, adhuc in honore habendi, ut dicit Concilium Aquisgranense Ludovico Pio Imperatore celebratum per hæc verba (licet Sacerdotes in multis sint negligentes, non tamen vituperandi, nec despiciendi, sed propter illum cuius ministerium gerunt audiendi, ac congruo honore venerandi) tamen propter negligentiam, tanto magis sunt culpabiles, & puniendi, ita ut Beda in Mattheum relatus in c. nec sufficere nobis (idest Clericis) ad salutem arbitramur, si turbis negligentium, vel quorumlibet indoctorum fide, vel actibus adqueamur) quia major diligentia, & in rebus fidei, & in Sacris litteris à Clericis adhibenda est, quam à tur-

bis, ac propterea Clerici fugere debent otium, nam multam malitiam docuit otiositas, *Eccel. 38.*

2 Clericus de negligentia culpatur, ut hinc exordiar, ex propria persona, institutus hæres, non conficiens inventarium, sicque in hoc negligens, non gaudet beneficio, c. Odoardus de solut., sed tenetur ultra vires hæreditarias ad tradita per Sperellum de c. 135. num. 21.

3 Secundò; Coram Judice incompetente vocatus, non opponens de incompetentiæ, & sic negligens, tenetur ad expensas actori, *Beller. disq. cleric. p. 1. tit. de favore clericali personali §. 2. num. 20. per tex. in c. exceptionem, & ibi glos. in Versie. condemnandus de exceptionibus.*

T 2

4 Ter-

- 4 Tertio; Clericus citatus criminaliter coram Iudice Seculari, non opponens declinatoriam fori, puniendus est à suo Episcopo pœna extraordinaria, *Bellet. disquisit. Cleric. p. 2. §. 11. num. 4.*, & dixerat in p. 1. tit. de favore cleric. personali §. 2. num. 14.
- 5 Quarto; Si negligentia Sacerdotis, aliquid de Sanguine Domini stillaverit in terram, quadraginta dierum pœnitentia punietur, si super Altare tribus diebus pœniteat, si super linteum, & ad aliud stilla pervenerit, quatuor diebus, si usque ad quartum viginti diebus, qualiter autem debeat stillas lambere, aut linteamina abluere, id totum per extensum habemus in c. si per negligentiam de consecrat. dist. 2., ubi *Barbosa* notat, quod canon potius ad forum conscientie respicit, quam iudicium, idem in foro externo, Iudex poterit arbitrio pœnam augere, vel diminueré attentis circumstantiis negligentiam Sacerdotis aggravantibus, attento scandalo, & adstantis populi notitia.
- 6 Quinto; Sicut, & negligens Sacerdos in custodia Sanctissimi Sacramenti Eucharistiae, fœmus, vel aliquod aliud animal illud comederit, quadraginta diebus pœniteat, qui autem perdidit illud in Ecclesia, aut pars ejus ceciderit, & non inventa fuerit, triginta diebus pœniteat, ita statuit *Concilium Arelatense relatum in c. qui bene de consecrat. dist. 2.*
- 7 Sexto; Ignorantia, quæ est effectus negligentiae, ut diximus parte 1., hujus tract., in Clerico est summopere culpabilis, idemque Clerici semper debent litteris infudare, semper diligenter studere, quapropter, *Hieronymus relatus in c. Sic vive 16. quæst. 1.*, ait (*Sic vive in monasterio, ut Clericus esse merearis, multo tempore disce, quæ postmodum doceas*) ita ut *Augustinus Epist. 75. ad Auxilium Episcopum relata in c. Si babes ad medium 24. quæst. 3.*, dicat se paratum semper discere, non solum à Seniore, sed etiam ab Anniculo, ut Clericali muneris non deesset, negligere ergo studium scientiarum in Clerico valde damnabile est; Idem *Leo Papa relatus in c. si in laicis dist. 38.*, ait, si in laicis vix tolerabilis videtur incertitia, quanto magis in iis, qui præsunt, nec excusatione digna est, nec venia, & *Cælestinus relatus in c. Nulli Sacerdotum eadem; Nulli Sacerdotum, licet canones ignora-*

re, & Hieronymus Epist. ad Eustochium dicit (Ignoratio scripturarum ignorati Christi est), & Gregor. in Pastoralis p. 1. c. 1., quæ ea quæ Dei sunt nesciunt, à Deo nesciuntur.

- 8 Septimo; Moles vestes, & nimis cultæ, aut breviores mentem Clerici incultam virtutibus, & neglectam satis patefacere notavit *Divus Bernardus*, scribens Apologeticum Opusculum ad *Gulielmum Abbatem col. 7.*, debent enim in habitu, & incessu, & moribus professionem suam repræsentare, c. Clericus dist. 41., c. Jus igitur dist. 23., c. Ecclesie dist. 35., c. Episcopus dist. 41., idemque negligere hanc Sacrorum canonum observantiam, non levia secum trahuntur, quæ clericalem vitam, modestiam, & honestatem commaculant: *Joannes Chrysostomus relatus in c. Quis aliquando deperit. dist. 1.*, ait, Clericos post peccatum tardiores, & negligentes esse, ad pœnitentiam converti, itaut *glossa in Versic. Gloriam*, notet ex eo capite, quod in hoc Clerici sunt laicis deteriores; Quapropter *Divus Ambrosius relatus in c. Quid autem 8. quæst. 1.*, ait, quod ipse convincitur à populo, cum in hac parte (scilicet in correctione) (Clericos populo magis videret negligentes) & *Beda super Matheum relatus in c. Nec sufficere 8. quæst. 1.*, si Clericus, vel Episcopus negligentium actibus adæquetur, quod etiam supra notatum est.

- 9 Clerici dum Capillorum tonsione coronantur, mundi vanitatibus separari; Notat enim *Gregor. lib. 10. moral. c. 22. ad illud canticorum, Fortis est ut mors dilectio*, quia sicut mors à Mundo separat, ita, & vera supernorum dilectio, qui ergo Clericus hæc, quibus vale dixerat, non negligit, sed potius spiritualia remissius, ac negligentius considerat, mundum potius diligere convincitur, cui renunciavit, quam Dei famulatum, quod in sacra ordinatione suscepit.

- 10 Delinqueret graviter Sacerdos, si celebrans Missæ sacrificium Sacratissimam Ostantiam, Calicisque consecratam materiam sumere omitteret, non enim Sacrificium compleret, ac propterea pro tanto delicto à celebratione Missæ per annum esset suspendendus, *ex decreto Concilii Toletani relato in c. Relatum est de consecrat. dist. 2.*

- 11 Error notandus in pluribus Sacerdotibus, & Clericis, qui existimant partes suas im-

plevisse

- plevisse, si laicali probitate vivant, negligendo consequenter præstantiores præferre virtutes, contra quos succenditur merito, *Hieronymus relatus in c. Qualis 8. q. 1. dicens, quod vehementer Ecclesiam Christi destruit, meliores laicos esse, quam Clericos; Unde non solum Episcopi, Præbiteri, & Diaconi debent magnopere providere, ut cunctum populum, cui præsent, conversatione, sermone, & scientia præcedant, verum etiam, & inferioris gradus Exorcistæ, Lectores, Aeditui, Accoliti, & omnes omnino, qui domui Dei serviunt.*
- 12 Non desunt ex Clericis, & Sacerdotibus, qui ob meram desidia negligunt officium, otioque tabescunt, recusantque labore terribi ministeria suscipere Ecclesiastica, at istorum negligentia à *B. Augustino Epist. 81. ad Endoxium, relatus in c. Vos autem 16. q. 1.*, per hæc verba corripitur (*Vos autem fratres exortamur in Domino, ut propositum vestrum custodiat, & usque ad finem perseveretis, ut si quam operam vestram Mater Ecclesia desideraverit, nec elatione avida suscipiat, nec blandiente desidia respiciat, sed mites corde obtemperetis Deo, cum Mansuetudine portantes eum, qui vos regit, qui dirigit mites in iudicio, qui docet mansuetos vias suas, nec vestrum otium necessitatibus Ecclesie preponatis*, nam commune commodum, utilitas, & necessitas, privato commodo, & utilitati præferendum, semper docuit *Imperator in l. unica §. fin. C. de caduc. tol. & l. si quando concessa C. de oper. publ.* Quia si is, qui valet, omnipotentis oves renuit pascere, ostendit se, non pastorem summum amare, scripsit *Gregorius relatus in c. In scripturis 8. quæst. 1.*, ubi *gloss. in Verbo minime, dicit*, quoad Clericus, qui est idoneus ad munera Ecclesie, subcunda ex negligentia respuit, mortaliter peccat, & post *Hugonem, Turrecrem. in præcitato c. Vos autem fratres sub num. 2.*, & *Divus August. 19. de Civitate Dei*, ait) *Negotium justum suscipit necessitas charitatis; Plurimorum enim utilitas unius utilitati præferenda est*, ait, *Pelagius Papa relatus in c. Scias Frater 7. q. 1.*
- 13 Si contingat Clericos secularibus negotiis attentius vacare, divina verò officia negligere, Ecclesieque ministerium derelinquere de tali, ac damnabili negligentia corripiendos scripsit *Pelagius Papa in c. Eleutherius frater dist. 91.*

- 14 De Negligentia Clericorum, qua in sacro ordine sunt initiati, aut Beneficiati, in recitandis horis canonicis, si eas omittat, vel in totum, vel in partem notabilem, quod peccent mortaliter, est in confessum apud omnes, sicuti etiam, quod Beneficiarius teneatur ad restitutionem fructuum Beneficii correspondentium pro rata divino officio omisso ex constitutione Pii V., ita ut si partem omittat minorem ratam, si verò totum, majorem ratam restituere teneatur, & videndus est *Bonacina de horis canonicis d. 1. q. num. p. 4. sub nu. 28. Vers. dixi saltem regulariter, & vers. dico pro rata, & latius q. 5. p. 2. per totum*, sed potissimum num. 13., quod limita in casu quo quis obtinuerit Beneficium nulliter, ex quocunque capite resulet nullitas, quia tunc, cum non faciat fructus suos, neque potest teneri ad restitutionem, quæ præcedentem supponit assequitionem, vel de jure, vel de facto. *Diana p. 4. tract. 4. resol. 146.* Utrum autem qui non potest recitare totum officium, potest autem recitare partem, vel majorem, vel minorem, ad eam teneatur, aliàs negligentiae reatum mortalem incurat, quod potest contingere per infirmitatem, ut si capite doleat, non potest matutinum recitare, quia in legendo multum patitur, potest verò recitare horas quæ memoriter recitat, vel non habet integrum breviarium &c., & respondeo teneri, quia cum officium sit divisibile, & ut divisibile respiciatur ab Ecclesia in suo præcepto, ita obligat ad totum, ut etiam obliget ad singulas partes, idem qui potest integrum recitare, & omittat partem notabilem mortaliter peccet, hinc merito damnata fuit *die 2. Martii 1679. sub Innocentio XI. propositio dicens, quod qui non potest recitare matutinum, & laudes, non teneatur ad reliquas*, quia cum horæ sint partes dividuæ à matutino, & laudibus, ad eas recitandas Ecclesie præceptum adstringit, ut explicat *Cardenas ad eam propositionem*, ubi limita si nequeat recitare illam partem sine detrimento, vel periculo probali detrimenti, in quo casu non est anxia scrupulositate insistendum.
- 15 *Diana p. 9. tract. 9. resol. 24.* proponit articulum, utrum, si Beneficiatus, qui hodie omisit recitare officium, cras, vel altero die recitet bis, semel nempe pro die currente, & se-

& semel pro die elapso, & in satisfactionem omisi, an excusetur à restitutione, ad quod aliquos doctores allegat asserentes Beneficiatum, tunc excusari à restitutione, eo quia per iteratam illam recitationem ponit æqualitatem, itaut verificetur, tot recitasse officia, quot tenebatur, verum benè resoluit, non excusari, quia cum onus officii sit alligatum diei, non potest diebus frequentibus suppleri, undè non milita paritas cum aliis obligationibus, quæ non sunt alligatæ diei, à qua restitutione excusantur, qui iusta ex causa excusantur à recitatione horarum canonicarum, quia tunc cessat negligentia, & omisso culpabilis, in cuius pœnam imposita est restitutio; Utrum verò tenitas Beneficii, putà cuius fructus non excedunt octo aureos, excusaret ab obligatione recitandi divinum officium, itaut omissio non sit culpabilis, videantur allegata per *Dianam p. 4. tract. 4. resol. 146.*, ubi hinc indè probabiles asserit opiniones, & *p. 2. tract. 12. resol. 9. §. sed si quæres*, ubi etiam, quod nam dicatur Beneficium tenue ad hunc effectum.

16 Horrendum est, quod prophetavit *Malachias c. 2. contra Sacerdotes negligentes in Dei servitio*, per hæc verba, (*& nunc ad vos mandatum hoc à Sacerdotes, si nolueritis audire, & si nolueritis ponere super cor, ut detis gloriam nomini meo, ait dominus exercituum, mittam in vos egestatem, & maledicam benedictionibus vestris, & maledicam illis, quoniam non posuistis super cor, ecce ego proiciam vobis brachium, & dispergam super vultum vestrum sterces solemnitarum vestrarum.*)

17 Sacerdotes, qui negligunt observare Sacros ritus, tum in recitatione officii, tum in celebratione Missarum, sunt omnindè ab Episcopis corrigendi, itaut Episcopus, non corrigens mortalitèr peccaret, propter gravem jacturam, quæ sequeretur in ritu Ecclesiastico, scribit *Pasqualig. de sacrific. nove legis q. 824. num. 10. in fin.* Ita pariter peccarent mortalitèr Sacerdotes celebrantes in hac Civitate, sine veste talari, propter urgent præceptum Episcopale, tum in Synodo emanatum, tum per edictum renovatum sub pœna suspensionis, ipso facto incurrenda, quæ pœna cum sit gravis, importat præceptum obligare sub mortali, ut comensuretur delicto, & licet (quod non sine dolore excribo) inveniantur Sa-

cerdotes in hac Civitate, qui non solum moniti schedula de mandato Episcopi in Sacristiis affixa, sed etiam voce piorum, adhuc tamen negligunt obedire, sed veste breviori utentes celebrant, quasi mandatum Episcopi nullius sit virtutis, & non innitatur *Sacri Concilii Trid. sess. 22. decreto de observandis, & evitandis in celebratione Missæ*, ubi dicitur (*decenter composito corporis habitu*, quæ decens compositio qualis sit declaratur in *Rubrica Missalis p. 2. tit. 1. de preparatione Sacerdotis num. 2.* ibi (*calceatus pedibus, & indutus vestibus sibi convenientibus, quarum exterior saltem talū pedibus attingat*, ubi *Gavantus* notat, quod antiquitus erat etiam talaris, & præfatus mandavit, *Sixtus V. in sua constitutione 92. in bullario novo incipit, cum Sacrosantum §. 2.*) ubi non solum in actu celebrationis Missæ, sed etiam extra decrevit, vestes deferendas esse tales, ubi §. 3. sub pœna privationis beneficiorum, & pensionum ipso facto incurrenda, *Ricciul. de jure personarum extra Ecclesiam lib. 7. c. 6. num. 8.*, & *Barbosa de potestate Episcopi alleg. 9. nu. 45.*, & mirum est, quod Sacerdotes celebraturi adedè alieni sint à cognitione recti, ut dum intendunt efficere Sacrificium, quod divinam placet justitiam, in se ipsos actuali crimine eam irritent, & dum pro aliorum salute deprecantur, propriam operentur damnationem, sicut aqua Baptismi, quæ dum abluit infantem, & ad Cælum dirigit, ipsa in cloacam descendit; ad quod satis aptè scripsit *P. Andreas Piscara Castaldo Praxi ceremoniarum lib. 2. sec. 1. c. 8. nu. 1. & n.*

18 Et redargutione digni sunt qui collaria ipsa sibi extrahunt ante paramentorum sumptionem, *Pax Jordan. lucebrat. tom. 1. lib. 4. tit. 1. num. 281. in fine*, cum debeant esse vestibus rectè compositi.

Ne quæso negligent Sacerdotes hujusmodi monita, ne mortis tempore fera pœnitentia torqueantur.

19 Ad incurrendas aliquas pœnas pro delictis Clericorum à Jure impositas, non ex alio capite prærequiruntur monitiones, nisi quia ad eas incurrendas, requiritur negligentia, qua scilicet Clericus monitus non desistat à delicto, nec rescipiscat, ex quibus colligitur, quod talis pœna imponitur pro futura negligentia, fundata tamen, seu radi-

radicata in delicto præterito, & de hoc plures sunt casus.

20 Primus, in Clericis concubinariis, de quibus *Trid. sess. 25. c. 14.*, ubi, si à Superioribus moniti se non abstinerint, tertia parte fructuum, obventionum, ac proventuum Beneficiorum suorum quorumcunque, & pensionum ipso facto sint privati, ex quibus notando ea verba (*ab iis se non abstinerint*), quod importat futuram culpam consistentem in negligentia, in non parendo monitionibus Superiorum, quæ monitio substantialis est, & de forma ex allegatis, per *Sperell. decis. 125. à num. 13.*, & *seqq.*, ubi *num. 18.*, quod monitione omissa, nec legitime facta, Judex non agit, ut Judex, sed ut persona privata, *Barbosa in c. sicut, num. 6. de cohabit. Cleric.*

Et tum maximè, & sine dubio, quando proceditur per viam inquisitionis, *Sperell. decis. 116. num. 15.*, ubi *num. 17.* id etiam quando transgressio est negativè concepta, (*ut si non abstineris*), quia tunc importat negligentiam, & contumaciam in non parendo monitionibus, undè tunc maximè est necessaria præmonitio, *Riccius prax. aurea p. 3. resol. 311.*, *Pœnia decis. 658. n. 7.*

21 Quæ monitio debet relaxari à Judice, & debet legitime exequi, nec sufficeret paterna monitio extrajudicialis, eo quia ad finem imponendi pœnam debet justificari ex actis, *Cerro decis. 53. num. 1.*, & *decis. 197. num. 1.*, idè ad fiscum spectat probare, post monitiones Clericum perseverasse in concubinato, *Pœnia decis. 581. sub num. 23.*

22 Qualis autem debeat esse hæc monitio, ad effectum incurrendi eas pœnas, benè notant Doctores, non sufficere monitiones generales in Synodo, vel in Edicto factas, quibus Clerici concubinarij moneantur, sic in genere abstinere, vel à concubinato, vel ab inhonestis, sed debeat esse monitio specialis in persona talis Clerici facta nominatim, ad *tex. in Clem. 1. de vita, & honest. Cleric.*, ubi *glos. in V. Nominatim*, *Gutierrez. canonic. q. 9. lib. 2. c. 7. num. 22.*, *Farinac. fragm. crim. p. 1. littera C. num. 140.*, *Bellet. disquisit. Clerical. de pœnis p. 2. §. 3. sub num. 6.*, & *act. de favore cleric. can. §. 4. num. 46.*, *Garzias de Benefic. p. 11. ex num. 186. declarat. 4.*, *Riccius praxi aurea p. 1. resol. 318. num. 31.*, *Barbos. in collect. aposto-*

licarum, decis. collect. 200. num. 4., & *seqq.*, & in *c. Sicut num. 6. de cohabit. cleric.*, *Genuens in praxi. Neapol. cap. 38. de concubinariis num. 2.*, & *3. ex Sacra Congreg. ibi relata*, ubi *num. 4.* excipit ab hac regula, si concubinatus sit notorius, quia *Trid.* non loquitur de concubinato notorio, immò videtur notorium excludere per ea verba (*de quibus possit esse suspitio*) ad tradita per *Farinac. q. 138. nu. 81.*, idè quando delictum est notorium, ut si post dimissam concubinam, eandem repetat, vel aliàs scandalosas mulieres sibi adjungere ausus fuerit, tunc Episcopus ex eodem *Trid. c. 14.*, sine strepitu, & figura Judicii, & sola facti veritate inspecta, procedere potest, ut notavit *Gutierrez. canonic. q. 9. lib. 2. c. 7. num. 68.*, & *77.*, *Farinac. q. 138. num. 81. & 85.*, licet etiam in delicto notorio, non posse Clericum privari beneficio, nisi præcedat trina monitio, post allegatos sustineat *Barbosa in c. Sicut num. 6. de cohabit. cleric.*, & *mulier.*, dicitur autem (notorius concubinatus) quando nulla tergiversatione celari potest.

24 Ubi est notandum, quod Concilium dicit (in domo, vel extra detinere) ex quibus tollitur quæstio, an ad concubinatum requiratur, quod Mulier inhonesta sit Domi propriæ concubinarij retenta, nam sufficit in domo, vel extra, *Barbosa in c. Sicut num. 3. de cohabit. Cleric.*

25 Quot autem monitiones requirantur ad constituendum Clericum concubinarium, negligentem ad effectum incurrendi prædictis Concilii pœnas, *Zerola in praxi, in V. Concubinarij in fine Vers. ad quartum*, existimat unicam monitionem sufficere, ex quo *Trident.* simpliciter loquitur, quod videtur sufficienter impleri per unicam monitionem, verum communiter *Sent. Doctorum allegatorum à Barbosa ad dictum c. 14. Trident. sub num. 7.*, requirit trinas monitiones, quia Concilium nihil speciale in hoc decernit, sed juri communi relinquit, à quo requiritur trina monitio, *c. Sicut ad extirpanda, c. Quisquam, c. Si autem de cohabit. cleric.*, & *Barbosa in dicto, c. Si autem num. 3.*, notat pro regula generali, quod quando agitur de privatione bonorum, ut ex *Trid.* in præfenti casu, semper requiritur trina monitio.

Nec relevant in contrarium verba ejusdè *Con-*